

❖ ՔՈՒԶԱԿԵԱՆ ՏԱՂԵՐ ❖

Ա. ԽՈՒՄԲ

Հողին հողվերօքն անցաւ, ու զմարմինն ի հողն անիծեց.
Մարմինն ի հողուն ի դուրս հողուն մէկ խօսօք վըճարեց:
Ըզմեղքն ես եւ դու արանք, յետեւ իմ երեսն ամաչեց.
Ես հող էի՝ հող դարձայ, քո ամալն որ ըզքեզ բըռնեց:

Մէկ մարդ մ'ըզփետատն ունի և զվարդին տակըն կուփորէ.
Պլպուլն ի վարդին սիրուն զիր չըլիքն ի դէմ կու բերէ.
Արծիւն ի հաւան ելեր ու կ'ասէ թ'այտ ինչ աճապ է.
Թեպուր մ'յիմ թեւէս ընկեր՝ նետ եղեր ու զիս կու խոցէ:

Այն մարդն որ ի դուրն երթայ՝ դէմ պիտի զդրժարն անտիճէ
Շաքրին շատ ուտել չվայլէ՝ Աղամորդուն սրտին կ'ահուկէ.
Մըտիկ լեռներուն արէք՝ խելօքի ասած մասալ է.
Այն որ բարձր է ձիւն ունի, այն որ ցածն՝ ինչ խօշ կանանչ է:

Կանչեմ հօտ ի վեր Աստուած՝ իմ մեղաց ճարակն ի քէն է.
Երէցն եւ աւետարան՝ Աստուծոյ մօտիկ նըշան է.
Զինչ չարթուն որ մեղք գործես, կիրակի դայն խոստովանէ.
Առնուս անթառամ պըսակ՝ յանտենի հուրն ըզքեզ չը երէ:

Կանչեմ հօտ ի վեր ստեղծող՝ զամենայն դարիպ դու պահէ.
Իմ տէրն ի դարիպութիւն՝ իր կըրակն ըզիս կու երէ.
Զիր դալն ինձ շուտով արա՛, զիմ ամէն գանգատ նա գիտէ.
Երեսս երեսին դընեմ, որ հոգեկս ի ծոցն ելանէ:

* * *

Պլպուռն ի ծովին միջին ի աւձուն բերանն կու ասէ .
 Թող ես եմ ի յաս հալիս, թող իմ վարդըն գէշ չը քաշէ .
 Վարդն այլ ի փրչին միջին սուտ ի քուն եւ զայն կու լըսէ .
 Լօք զիր շարեղէն շապիքն ի չորեք դիհաց կու խըզէ :

* * *

Թէ չուզես որ քուֆր ասես՝ ձեռքըդ տար ու սիրտըդ բըռնէ .
 Ոչ քուֆրըն քի հաց բերէ, ո՛չ թացան թէ նիստ ու ծախէ :
 Անշահ՝ և անօգուտ բան է քուֆր ասելն, որ խիստ մե-
 ղանք է .
 Սատնայ յիշոցք ասաց, դեռ յանկից ի վեր կու յիշէ :

* * *

Հայ իմ մէկ ու մէկ Աստուած, մէկութիւնըն քեզ վայելէ .
 Զով որ դու ի վեր հանես՝ մարդ ի վայր բերել չըկարէ .
 Զան հացն որ դու տաս ուտել՝ մարդ իսկի խըլել չը կարէ .
 Զուր ի կենաց աղբերէդ ով խըմէ՝ անմահ մընասցէ :

* * *

Գիշե՛ր, դու յերկան եղիր եւ տարեկ մ'եղիր թէ կարես .
 Իմ եարն ինձի հիւր 1) եկեր՝ զէտ հազար տարու թէ գիտես .
 Առաւօ՛տ, դու յետ կեցիր՝ որ ըզմեր խաղըն չաւիրես .
 Երբ ըզլոյսն ի վեր բերես, զիս ի յիմ եարէս բաժանես :

* * *

Զիմ եարն ի գընալ տեսայ, որ կ'երթար ի ճամփատ ի վար .
 Մանրը քայլուփոխ 2) կ'անէր, եւ քաղէր ծաղիկ նոնոֆար .
 Յամէն հանգչելու 3) տեղիկ երեսին գընէր ու կուլար .
 Կուրնա՛ չարկամնուն աչերն՝ կու պահեն զիս քենէ օտար :

(Շար .)

Հրատ . Հ . ՆԵՐՍԷՍ ԱԿԻՆԵԱՆ

1) Զեռ . հուր : - 2) քայլուփոխ : - 3) Հանգչելու :